

四庫全書

史部

欽定四庫全書

史部

御批資治通鑑卷四十一上
下

詳校官修撰臣錢榮

編修臣程嘉謨覆勘

總校官降調編修臣倉聖脉

校對官中書臣宋枋遠

謄錄監生臣許溶

欽定四庫全書

御

批資治通鑑綱目卷四十一上

起壬戌唐高宗龍朔二年○
盡丙申唐中宗嗣聖十三年

凡三十五年

壬戌二年春正月改百官名

以門下省為東臺中書省為西臺尚書省為中臺侍
中為左相中書令為右相僕射為匡政左右丞為肅
儀尚書為太常伯侍郎為少常伯其
餘並以義訓更其名而職任如故

任雅相卒於軍蘇定方引軍還

雅相為將未嘗奏親戚故吏從軍皆移所司補授謂
人曰官無大小皆國家公器豈可便私由是軍中賞

罰皆平人服其公至是卒會沃沮道總管龐集覽沃

孝泰敗死蘇定方圍平壤久不下引軍還
東夷國名在高麗蓋馬大山質實平壤城名注見隨
之東沃烏酷反沮千餘反

書法

劉方卒於師不書官貶也此其貶與雅相賢
將也去年遣征高麗書兵部尚書矣於是不

書官蒙
上文也

三月鄭仁泰等敗鐵勒於天山

鐵勒九姓聞鄭仁泰至合衆十餘萬以拒之選驍健
者數十人挑戰薛仁貴發三矢殺三人餘皆下馬請
降仁貴悉坑之度磧北擊其餘衆獲葉護兄弟三人
而還軍中歌之曰將軍三箭定天山壯士長歌入漢
闕思結多濫葛等部落先保天山聞之皆降仁泰等
縱兵擊之掠其家虜相率遠遁仁泰將輕騎赴之踰

大磧至仙萼河不見虜糧盡而還值大雪士卒餓凍
人自相食比入塞餘兵纔八百人司憲大夫楊德裔
劾奏仁泰誅殺已降使虜逃散不計資糧棄甲資寇
詔皆釋之以契苾何力為鐵勒道安撫使安輯餘衆
何力簡精騎五百馳入九姓中謂曰國家知汝皆脇
從赦汝之罪罪在酋長得之則已其部落大喜共執
其葉護等以授何力
集覽鐵勒九姓鐵勒即敕勒注
何力斬之九姓遂定
者曰藥羅葛曰胡咄葛曰咄羅勿曰貊歌息統曰阿
勿喃曰葛薩曰斛唱素曰藥勿葛曰溪邪勿葉護突
厥大臣官
質實挑戰注見漢王邦四年天山注見漢
名葉音攝
武帝元朔三年祁連又外夷火州交
河城北一名祁連山唐天山縣以此為名漢闕即玉
門關注見漢武帝元鼎二年大磧柔然地名注見梁
武帝普通二年契苾何力鐵勒莫賀可
汗之孫酋長注見漢帝玄更始二年

夏五月以許圜師為左相○秋七月熊津都督劉仁願
等大破百濟於熊津

初蘇定方既平百濟留郎將劉仁願鎮守以王文度
為熊津都督撫其餘衆文度卒百濟故將福信聚衆
據周留城迎故王子豐立之引兵圍仁願時劉仁軌
坐罪白衣從軍詔以為帶方州刺史將文度之衆發
新羅兵以救仁願仁軌請唐厯及廟諱而行曰吾欲
掃平東夷願大唐正朔於海表仁軌御軍嚴整轉鬪
而前所向皆克新羅糧盡引還福信招集徒衆其勢
益張仁軌衆少與仁願合軍休息士卒會平壤軍還
救仁願等西歸仁軌以為如此則百濟餘燼不日更
興高麗逋寇何時可滅乃守便宜乘百濟無備帥衆
破之拔其數城奏請益兵詔發淄青萊海之兵七千
人赴之福信專權與百濟王豐浸相猜忌豐殺福信

遣使詣高麗倭國集覽倭國倭鳥禾反女主國名漢
乞師以拒唐兵地志樂浪海中有倭人分百

餘國在帶方東南大海中依山島為國渡海千里復
有國皆倭種唐東夷傳日本國古倭奴也去京師萬

四千里其俗男少女多小質實百濟東夷國名注見
島五十餘所皆自名國太宗貞觀十四年熊

津都督注見上年帶方州注見晉惠帝元康元年新
羅東夷國名注見漢武帝元封二年朝鮮濫靑莽海

四州名濫注見宋明帝泰始三年盤陽靑注見漢桓
帝永康元年莽注見漢安帝永初二年東莽海注見

晉孝武帝太元二年臨海高麗東夷國名注見漢武
帝元封二年朝鮮倭國按一統志即古之倭奴國其

地東西南北各數千里西南至海東北隅隔以大山
國王以王為姓歷世不易文武僚吏皆世官其地有

五畿七道以州統郡附庸國凡百餘自北岸去拘邪
韓國七千里曰對海國又南渡一海千餘里曰瀚海

國又渡一海千餘里曰末盧國東南陸行五百里曰尹都國又東南百里曰奴國又東百里曰不彌國又南水行二十日曰投馬國又南水行十日陸行一月曰邪馬一國其次曰斯馬國曰已百支國曰伊邪國曰郡支國曰彌奴國曰好古都國曰不呼國曰姐奴國曰對蘇國曰蘇奴國曰呼邑國曰華奴蘇奴國曰鬼國曰為吾國曰鬼奴國曰邪馬國曰躬臣國曰巴利國曰支惟國曰烏奴國皆倭王境界所盡其國小者百里大不過五百里戶少者千餘多不過一二萬自漢武帝滅朝鮮使驛通於漢者三十許國皆稱王其大倭王居邪馬臺國即邪摩維是已光武中元初始來朝貢後國亂國人立其女子曰卑彌呼為王其宗女壹與繼之後復立男王並受中國爵命歷魏晉宋隋皆來貢稍習夏音唐咸亨初惡倭名更號日本自以其國近日所出故名或云日本乃小國為倭所併故冒其號開元貞元中其使有願留中國授經肆

業者久乃請還宋雍熙後累來朝貢熙寧以後來者皆僧也元初遣使招諭不至命范文虎等率兵十萬征之至五龍山暴風破舟敗績終元之世使竟不至本朝初國王良懷遣使臣僧祖朝貢其後數歲一來至今不絕自永樂以來其國王嗣立皆受朝廷冊封焉

八月以許敬宗同三品○冬十月以上官儀同三品質

寶上官儀陝州陝縣人○許圜師免○颶海總管蘇海政矯詔殺

興昔亡可汗

颶海道總管蘇海政受詔討龜茲敕興昔亡繼往絕二可汗發兵與俱繼往絕素與興昔亡有怨密請海政矯敕收斬之其部落亡走海政追討集覽颶海突平之繼往絕尋死十姓無主附於吐蕃厥中地

欽定四庫全書

御批資治通鑑綱目
卷四十一上

名越筆反興昔亡可汗名質實龜茲西域國名注

彌射繼往絕可汗名步真見漢光武建武二

十二年吐蕃西羌種名注見太宗貞觀八年

書法

自是十姓皆附吐蕃而唐世吐蕃之禍始此矣故謹志之

發明

興昔亡可汗遠在邊徼之外海政矯詔殺之特書于冊以著其罪者聽達於上也王后蕭妃近在宮闈之內武氏專擅殺之不書于冊若無所聞者蒙蔽之甚也比而觀之其義見矣

西突厥寇庭州刺史來濟死之

西突厥寇庭州刺史來濟將兵拒之謂其衆曰吾久當死幸蒙存全以至今日當以身報國遂不釋甲胄赴敵而死胡氏曰濟遂死至愛州上表自陳定策之功受遺之書曰緣續餘命乞陛下哀憐君子悲之而

亦嫌其氣衰而志挫也來濟赴敵而死可謂善處死矣人孰不死處之為難使無忌而知此則能廷爭武氏矣遂良而知此**質實**突厥北狄國名注見梁武帝則能待盡無言矣**質實**大同十一年庭州注見齊明帝建武四年高昌愛州

注見梁武帝太清二年

書法

書死之何善濟也濟於同時諸大臣可謂得其死所矣

癸亥三年春正月以李義府為右相夏四月除名流雋州

義府兼知選事恃勢賣官怨讟盈路上從容戒之義府勃然變色曰誰告陛下緩步而去上不悅義府又與術者微服出城候望氣色或告義府陰有**質實**從異圖勒之有實詔除名流雋州朝野稱慶

注見漢宣帝地節三年雋州
注見漢武帝元鼎六年越雋

發明

義府弄權罔上何以不書有罪高宗崇信姦回使之怙寵至是其責亦有所分矣是以書

法如
此夫

蓬萊宮成

初隋文帝遷長安城立宮於西北隅至是營蓬萊宮於其東北制度宏壯於舊門曰丹鳳殿曰含元移仗居之命故宮曰西內新宮

集覽

移仗仗注見

實實

長安

曰東內亦曰大明宮云

城注見隋煬帝大業十三年蓬萊宮注見太宗貞觀六年慶善宮舍元殿名注見憲宗元和十四年宣政

書法

蓬萊宮何大明宮也貞觀八年書營大明宮未成而上皇寢疾往年四月乃作蓬萊綱目

不書作蓬萊已書其始也至是宮成制度宏壯則是宮之勞費可知矣故特書成凡宮室書成久辭

也是故漢長樂書治書成隋仁壽書作書成唐蓬萊書營書成皆久而後成也終綱目宮室書成四
詳漢高帝十二年
晉新宮無幾焉

五月詔鄭仁泰等分屯涼鄯以備吐蕃

吐蕃吐谷渾互相攻各上表論曲直求援上不許吐
蕃擊吐谷渾大破之吐谷渾可汗昌鉢與弘化公主
帥數千帳棄國走涼州上以鄭仁泰等分屯涼鄯備
吐蕃又以蘇定方節度諸軍援吐谷渾吐蕃表吐谷
渾之罪且請質實吐谷渾西羌種名注見晉元帝建
和詔責讓之質實武元年弘化公主注見隋煬帝大
業八年涼鄯二州名涼注見中宗景龍
二年鄯注見漢宣帝元康四年湟中

書法

吐蕃始蓋強也唐之
西患蘇海政為之

秋九月熊津總管孫仁師攻百濟拔之

卷四十一上

初劉仁願劉仁軌既克真峴城詔孫仁師將兵浮海
助之軍勢大振諸將以加林城水陸之衝欲先攻之
仁軌曰周留城虜之巢穴若克周留諸城自下於是
水陸並進遇倭兵於白江口四戰皆捷百濟王豐奔
高麗子忠勝等帥衆降百濟盡平唯任存城不下百
濟人黑齒常之沙吒相如各帥衆降仁軌使各將其
衆取任存城仁師曰此屬獸心何可信也仁軌曰吾
觀二人皆忠勇有謀敦信重義是其感激立效之時
不用疑也遂給糧仗分兵隨之拔任存城詔留仁軌
鎮百濟召仁師仁願還仁軌瘞骸骨籍戶口理村聚
署官長通橋道補隄塘課耕桑賑貧老立唐社稷頒
正朔及廟諱百濟大悅然後修屯田儲糗糧訓士卒
以圖高麗仁願至京師上問之曰卿所奏事皆合機
宜卿本武人何能如是仁願曰皆仁軌所為也上悅

加仁軌六階遣使勞勉之西臺侍郎上官儀曰仁軌
遭黜削而能盡忠仁願秉節制而能推賢皆可謂君

子集覽

黑齒虜複姓百濟國人沙叱虜複姓亦
質實

黑齒常之百濟西部人京
師注見周顯王二十五年

甲麟德元年春正月以殷王旭輪為單于大都護

初李靖破突厥遷三百帳于雲中城阿史德氏為其
長至是部落漸衆請立可汗以統之上曰今之可汗
古之單于也故更為單于都質實按一統志雲中城
護府而使皇子殷王遙領之質實在大同府城北郭
外後魏建此為西京其門東曰迎春南曰朝陽西曰
定西北曰拱極其宮垣占城之北唐為雲中郡殷州
名注見隋恭帝
皇泰二年獲嘉

郇公孝協坐賊賜死

孝協為魏州刺史坐賊賜死有司奏孝協父叔良死王事不可絕其嗣上曰畫一之法不以親疎異制苟害百姓雖太子亦不赦也孝協竟自盡於第胡氏曰高宗昏懦肆恣棄太宗之法如掃塵燂凍然而於孝協之賊謹守畫一如此何哉且必以治庶人者治皇族而其言及於太子他日東宮連見廢殺則畫一不赦之集覽畫一之法注見質實郇縣名注見漢高祖教也漢惠帝二年注見天福十二年魏州注見漢成帝綏和二年東宮注見宋文帝元嘉二十七年

秋七月詔以三年正月封禪質實

封禪注見秦始皇二十八年○八

月以劉祥道竇德玄為左右相○冬十月遣兵代戍熊

津

熊津都督劉仁軌上言戊兵疲羸者多衣服貧弊唯思西歸無心展效臣問以往時百姓應募或請自辦衣糧何為今日士卒如此咸言今日官府與曩時不同曩時沒王事者敕使弔祭追贈官爵回授子弟凡度遼者皆賜勲一轉自顯慶五年以來度海者官不記錄死者無人誰何州縣發兵壯而富者行錢得免弱而貧者被發即行海東苦戰之時許以勲賞及達西岸唯聞推禁奪賜破勲州縣追呼無以自存是以被發之日已有逃亡自殘者其有勲級亦不免挽引之勞無異白丁又初發時惟令備一年資裝今已二年未有還期自非有所更張厚加慰勞明賞重罰以起亡心恐師衆疲勞立效無日上深納其言遣劉仁顯將兵度海以代舊鎮之兵敕仁軌俱還仁軌曰舊兵當令收獲辦具遣還軍將宜留鎮撫未可歸也仁

顧曰吾前還海西大遭變謗云吾謀據海東幾不免禍今日惟知準敕豈敢擅有所為邪仁軌曰苟利於國豈恤其私乃上表陳便宜自請留鎮從集覽沒王之以扶餘隆為熊津都尉使招集其餘衆集覽事為王事而亡沒者勲級勲官之資級扶餘隆扶餘本東夷國名因以為氏隆名也

十二月殺同三品上官儀劉祥道罷梁王忠賜死

初武后屈身忍辱奉順上意故上排群議而立之及得志專作威福上動為所制不勝其忿會宦者王伏勝發其使道士郭行真出入禁中為厭禱事上密召上官儀議之儀因言后專恣請廢之上即命草詔左右奔告于后后遽詣上自訴上羞縮不忍乃曰我初無此心皆上官儀教我儀先與伏勝俱事故太子忠后於是使許敬宗誣奏儀伏勝與忠謀大逆儀下獄及伏勝皆死妻子籍沒賜忠死于流所右相劉祥道

坐與儀善罷朝士流貶者甚衆自是上每視事則后垂簾於後政無大小皆預聞之天下大權悉歸中宮天子拱手而已中外謂之二聖**集覽**厭禱厭益涉反鎮質實梁州名也禱告事求福也注見周報王四年

書法

梁王忠廢爲庶人矣書梁王何不予其廢之也賜死之例有四著所坐賜死魏周初郗公

孝協太平公主王毛仲宜死者也書貶某賜死實參楊狀韋保衡孟漢卿書賜某死吳通玄路巖蘇檢皆可罪而未宜死者也直書某賜死梁王忠不宜死者也無所坐者也

發明

哀哉上官儀之死也彼昏不知烏可與之有言哉京房諄諄開悟元帝言非不明聽非不

諭然姦賊未去身已不保昏懦之君大抵如此綱目書殺書爵蓋亦哀之而已夫豈樂予之哉

以樂彥瑋孫處約同三品考異

提要無此十字

丑二年春三月以姜恪同三品○夏四月以陸敦信爲

右相樂彥瑋孫處約罷質實

陸敦信嘉興人

○五月行麟德歷

李淳風

以戊寅歷推步浸疎乃增

集覽

推步推測也步考也漢馮

損劉焯

皇極歷更撰麟德歷行之

緄傳善推步注云謂究日月五星之度昏旦節氣之差劉焯隋太學博士著歷書十卷焯音灼

冬十月車駕發東都十二月至泰山

皇后表稱封禪祭皇地祇太后昭配而令公卿行事禮有未安請帥內外命婦莫獻詔禪社首以皇后爲

亞獻越國太妃燕氏爲終獻廢藁結陶匏用茵褥壘爵文舞用功成慶善之樂武舞用神功破陳之樂上

發東都華戎衛從數百里不絕時比歲豐稔米斗至五錢麥豆不列于市上至濮陽左相竇德玄騎從上問濮陽謂之帝邱何也德玄不能對許敬宗自後躍馬而前曰昔額頊居此故謂之帝邱上稱善敬宗退謂人曰大臣不可以無學德玄曰人各有能有不能吾不強對以所不知此吾所能也李勣曰敬宗多聞信美矣德玄之言亦善也張公藝九世同居北齊隋唐皆旌表其門上幸其宅問所以能之故公藝書忍字百餘以進上善之賜以縑帛胡氏曰新城三老啓漢高以君臣之大義壺關三老悟孝武以父子之至情湖三老猶能辯王尊被劾之非辜正朝廷刑罰之失當皆因事有補不苟然也高宗非不能忍之患乃過於忍之失公藝又以忍勸之其樸茂有餘而智術短矣爲公藝者宜曰臣家所以同居之久由家長專治權在男子婦人不預外事

集覽

内外命婦注見太宗貞觀元年社首

山在兗州應劭曰在博縣晉灼曰在鉅平南十三里
藁秸陶匏周禮次宸筵几圖王氏神席議曰禮器莞
簟之安而藁鞞之設正義謂藁鞞除穗粒取稗藁爲
席郊祭不用莞簟之可安而設藁鞞之麓席亦脩古
也記郊特牲器用陶匏以象天地之性也莞簟之安
而蒲越藁鞞之尚明之也注陶謂陶瓦爲酒尊匏瓠
也謂破匏爲爵皆太古之禮器觀天下之物無可以
稱其德也蒲越藁鞞皆藉神席也正義謂今禮以藁
鞞爲祭天席蒲越爲配帝席鞞與秸通音戛莞音官
越音活茵褥壘爵說文茵車重席也褥藉也壘龜目
酒尊似壺容一斛水作雲雷象爵飲器刻爲爵形受
一升漆赤中畫雲氣功成慶善樂注見太宗貞觀六
年神功破陳樂注同上貞觀元年新城三老啓漢高
以君臣之大義事見漢王劉邦二年壺關三老悟孝
武以父子之至情事見漢武帝征和二年湖三老質
猶能辭王尊被劾之非辜事見漢成帝河平二年質

實

泰山注見秦始皇二十八年社首壇名按一統志在濟南府泰安州西南五里亭禪山上宋真宗封

泰山禪此中有蒿里祠在焉濮陽郡名注見周安王五年帝邱地名在東昌府城西南二百里按一統志古顓頊之墟曰帝邱夏爲昆吾氏所居春秋衛成公遷都於此顓頊五帝之一即高陽氏也詳見通鑑前編張公藝壽張人

丙寅乾封元年春正月封泰山禪社首

正月朔祀昊天上帝於泰山南明日登泰山封玉牒藏之石臧又明日降禪于社首祭皇地祇上初獻畢執事者皆趨下宦者執帷皇后升壇亞獻惟帝皆以錦繡爲之赦天下改元文武官賜爵加階有差先是階無泛加皆以勞考叙進至五品三品仍奏取進止至是始有泛階比及末年服緋者滿朝矣

集覽

玉牒注見漢武帝元封元年石碣音感石篋也以
方石再累皆方五尺厚一尺刻其中以容玉璽
施石檢十枚以檢石碣南方皆三東方西方皆
二去碣隅皆一尺碣纏以金繩五周封以石泥或曰
以水銀和金質寶皇天上帝注見隋恭帝義寧二年
爲泥而封之質寶皇地祇注見漢後主建興十五年

車駕還過曲阜祠孔子

贈太師祭
以少牢

質寶

曲阜縣名注見周太祖廣順二年
少牢姓名注見太宗貞觀十九年

書法

於是孔子贈太師則曷爲不書諱之也孔子
贈太師而尊老君爲皇帝亦大不倫矣諱之

者譏之也終綱目書祠孔
子五詳漢高帝十二年

至亳州尊老君爲太上玄元皇帝

三毫州謂老實實毫州注見漢獻帝建安十五年譙
邑老居廟按一統志在鳳陽府毫

縣老子所生之地後人爲立廟
漢桓帝嘗命遣詔爲文以記之

發明上書過曲阜祠孔子庶足見尊師重道之意
然贈以三公之官則是臣之也禮安在哉況

下書尊老君爲太上玄元皇帝其輕重不倫如此
故綱目於贈太師則削而不書蓋爲先聖諱之爾
事有若美而實不美者此類是也
雖然吾先聖豈以是爲輕重哉

李義府卒

時大赦惟長流人不聽還李義府憂憤發病而卒
自義府之貶朝士日憂其復入至是衆心乃安

書法於是義府除名矣不卒可也而卒之何幸唐
人也義府雖貶朝野憂其復入至是衆心乃

安故
幸之

夏四月車駕還京師○陸敦信罷○五月鑄乾封泉寶

錢

錢一當十俟期
年盡廢舊錢

六月遣金吾衛將軍龐同善將兵伐高麗

高麗泉蓋蘇文卒長子男生代爲莫離支出巡諸城
便其弟男建男產留知後事或謂二弟曰男生惡二
弟欲除之又告男生者曰二弟欲拒兄不納男生
遣人傾伺二弟收掩得之乃以王命召男生男生懼
不敢歸男建自爲莫離文發兵討之男生走保別城
便其子獻誠詣闕求救詔契苾何力龐同善將兵救

之以獻誠質實莫支離高麗官兵注
爲鄉導見太宗貞觀二十年

秋七月以劉仁軌爲右相

初仁軌爲給事中按卑正義事李義府怨之出爲青
州刺史會討百濟仁軌當浮海運糧遭風失船命監
察御史袁異式往鞠之義府謂曰君能辦事勿憂無
官異式至謂仁軌曰君宜早自爲計仁軌曰仁軌當
官失職國有常刑公以法斃之無所逃命若使遽自
引決以快讎人竊所未甘乃具獄以聞上命除名以
白衣從軍自效及爲大司憲異式懼不自安仁軌滙
觴告之曰仁軌若念疇昔之事有如此觴既知政事
薦爲司元大夫監察御史杜易集覽若念疇昔之
簡謂人曰斯所謂矯枉過正矣事自誓不以
前者見鞠失船事爲念也記檀弓質實引決注見宋
疇昔之夜注疇發聲也昔猶前也明帝泰始七

年

卷四十一上

竇德玄卒○皇后殺其從兄武惟良

初武士彠娶相里氏生男元慶元爽又娶楊氏生三女長適賀蘭越石次皇后次適郭孝慎士彠卒元慶元爽及士彠兄子惟良懷運皆不禮於楊氏楊氏深銜之越石早卒后既立楊氏號榮國夫人越石妻號韓國夫人惟良等皆列朝廷榮國夫人謂曰願億疇昔之事乎對曰惟良等幸以功臣子弟早登官籍揣分量才不求貴達豈意以皇后之故曲荷朝恩夙夜憂懼不爲榮也榮國不悅皇后乃上疏請出惟良等爲遠州刺史外示謙抑實惡之也元慶以憂卒元爽坐事流振州而死韓國及其女皆得幸於上其女賜號魏國夫人后惡之會惟良懷運至京師獻食密置毒醢中使魏國食之暴卒因歸罪於惟良懷運誅之

改其姓集覽相里複姓咎繇之後爲理氏商末理證
爲蜮氏孫仲師遭難去王姓里至晉里克見滅

克妻司成氏携其少子季友逃質實振州注見高
居相城因姓相里氏相去聲祖武德五年

發明於所厚者薄無所不薄也武氏不道勦殺其
族如獵狐兔亦何有於李氏哉故特書皇后

殺其從兄
以惡之

九月龐同善大破高麗兵○劉祥道卒

子齊賢嗣齊賢爲人方正上甚重之爲晉州司馬將
軍史興宗從獵苑中因言晉州產佳鷄請使齊賢捕
之上曰劉齊賢豈捕鷄者邪胡氏曰人主雖有嗜慾
昏蔽其本心之明亦不可亡也特所蔽者重不能推
廣其明耳高宗若以待劉齊賢之心博求賢德列之
朝廷則膏肓之疾必有能已之者然既知齊賢方正

而置之州司馬雖不使捕鵠亦不能
集覽善善不用郭公之道

采其謀猷善善不用郭公之道爾
爾注見太宗
質實晉州注見漢獻帝建安七年河東
貞觀二年
膏肓之疾注見晉愍帝建興四年

冬十二月以李勣爲遼東大總管伐高麗

勣欲與其婿京兆杜懷恭偕行懷恭亡匿謂人曰公
欲以我立法耳勣聞之流涕曰杜郎踈放此或有之
乃**集覽**公欲以我立法耳杜懷恭自知踈畧放
止**集覽**易致獲罪必被李勣見殺以立軍法也
連質

實

京兆郡名注見玄
宗開元十一年

丁卯 二年春正月耕籍田考異
耕上漏
帝字

有司進耒耜加以珎飾上曰耒耜農夫所執豈宜如此
之麗命易之既而耕之九推乃止胡氏曰爲國務

農必本末備舉然後實德及百姓高宗政出房帷馴致大亂而躬籍千畝勤於九推夫豈勸農之本乎
集覽 耕籍田注見漢文帝二年**質實** 耒耜治田器名九推乃止注見耕籍田釋名云搯木爲耒斲木爲耜

書法 高宗耕籍不悉書據永徽三年正月不書此其書何美崇質也

罷乾封泉寶錢

自行乾封錢穀帛踊貴商賈不行罷之

夏六月以楊弘武戴至德李安期張文瓘趙仁本並同三品

時造蓬萊上陽合璧等宮頻征伐四夷廐馬萬匹倉庫漸虛張文瓘諫曰隋鑒不遠願勿使百姓生怨上納其言減廐馬數千匹○上屢責侍臣不進賢李安期對曰比來公卿有所薦引爲讒者已指爲朋黨滯淹者未獲伸而在位者先獲罪是以各務杜口耳陛下果推至誠以待之其誰不願舉所知邪上深以爲然

質實

上陽宮在河南府閿鄉縣舊湖城縣西北一里隋煬帝建張文瓘貝州武城人李安期定

州安平人
百藥之子

秋八月朔日食○李安期罷○九月李勣拔高麗十七城

李勣拔新城遂引兵進擊一十六城皆下之副大總管龐同善高侃尚在新城泉男建遣兵襲其營武衛

將軍薛仁貴擊破之勛行軍管記元萬頃作檄高麗文曰不知守鴨綠之險男建報曰謹聞命矣即移兵據之唐兵不得度上聞之流萬頃於嶺南副大總管却處俊在高麗城下未及成列高麗奄至軍中大駭處俊據胡林方食乾糧潛簡質實却處俊安陸人胡精銳擊賊之將士服其膽畧質實

却處俊安陸人胡林注見周世宗顯

德五年

元總章元年夏四月彗星見于五車集覽

五車天官書五車五星在

五北五車者五帝車也主天子五兵質實

彗星注見周顯王八年

彗星見上避正殿減膳徹樂許敬宗等奏請復常曰彗星見東北高麗將滅之兆也上曰朕之不德謫見於天豈可歸咎小夷且高麗之百姓亦朕之百姓也不許彗尋滅范氏曰高宗庸昏而猶能出人君之言

其誠足以動天矣然則古者朱道之君未必其身親
爲不善也姦佞之臣納之於惡者蓋多矣亦可以爲
戒哉

平 楊弘武卒○秋九月李勣拔平壤高麗王藏降高麗悉

薛仁貴破高麗於金山乘勝將攻扶餘城諸將以其
兵少止之仁貴曰兵不必多顧用之何如耳遂爲前
鋒以進與高麗戰大破之殺獲萬餘人遂拔扶餘城
扶餘川中四十餘城皆望風請服侍御史賈言忠奉
使自遼東還上問以軍事言忠對曰隋煬帝東征而
不克者人心離怨也先帝東征而不克者高麗未有
繫也今高藏微弱男生兄弟相攻饑饉連年妖異屢
降其亡可翹足待也上又問諸將孰賢對曰薛仁貴

勇冠三軍，龐同善持軍嚴整，高侃忠果，有謀契苾何力沈毅，能斷然。夙夜小心，忘身憂國，皆莫及。李勣也。勣等進攻大行城，拔之。諸軍皆會進，至鴨綠柵，破之。國平壤，月餘，高麗王藏遣泉男產詣勣降。男建猶閉門拒守，以軍事委僧信誠。信誠開門，勣縱兵登城，男建自刺不死，遂擒之。高麗悉平。實寶金山，隋恭帝皇泰二年，扶餘城注見。隋煬帝大業八年，平遼東，郡名注見。秦王政三年，饑饉注見。隋煬帝大業十二年，鴨綠柵按一統志在遼東都司城東五百六十里，鴨綠江之東，乃後魏所置，以塞高句驪之路。

冬十月以盧迦逸多爲懷化大將軍

烏茶國婆羅門盧迦逸多自言能合不死藥，上將餌之。東臺侍郎郝處俊諫曰：「修短有命，非藥可延。貞觀之末，先帝服那羅迺娑婆寐藥，大漸之際，名醫不知，所爲議者將加顯戮，恐取笑戎狄而止。前鑒不遠，願

三下深察集覽烏茶西域國一曰烏伏那亦曰烏菴
上乃止直在天竺國南其東則大食國也漢

書茶作耗注烏一加反耗直加反那羅邇方士名質
婆娑寐方士名大漸注見隋文帝開皇十四年

實婆羅門西域國名注
見太宗貞觀十三年

書法

前書遣天竺方士歸國矣於是又書以盧迦
逸多爲懷化大將軍帝固非有定見者蓋當
此時年踰不惑內寵之意輕而長生之
念重矣豈復記往日之言哉書識之也

十二月置安東都護府

李勣將至上命先與高藏等獻于昭陵具軍容奏凱
歌入京師獻于太廟上受俘于含元殿分高麗五部
百七十六城六十九萬餘戶爲九都督府四十二州
百縣置安東都護府於平壤以統之擢其酋帥有功

者爲都督刺史縣令與華人參理以薛仁貴檢校安東都護總兵二萬人以鎮撫之上祀南郊告平高麗以李勣爲亞獻時有敕征遼軍士逃亡限內不首者身斬妻子籍沒太子表曰軍士或遇疾病不及隊伍或因樵採爲賊所掠或渡海漂沒或深入賊庭爲所傷殺軍中不暇勸當皆以爲逃若即配沒情實可哀乃詔質實昭陵注見太宗貞觀二十三年含元殿免之府注見泰王政三年遼東南郊注見漢後主建興十五年

以姜恪閻立本爲左右相質實

閻立本京兆萬年人立德之弟○京師

山東江淮旱饑

書法

自書大稔而封禪之事起於是書京師山東江淮旱饑是年書關中旱饑咸亨元年書河

欽定四庫全書

御批資治通鑑綱目卷四十一上

南北旱歲二年書闕中旱
蝗永淳元年屢書不一書矣

己巳二年春二月以李敬玄同三品

先是同三品不入
質實街釋名云官
吏階位曰街

書法

以同三品
入街始此

以盧承慶爲司刑太常伯

承慶嘗考內外官有一官督運遭風失米承慶考之
曰監運損糧考中下其人容色自若無言而退承慶
重其雅量改注曰非力所及考中中既無喜容亦無
愧詞又改曰寵辱不驚考中上○時渭南尉劉延祐
弱冠政事爲畿縣最李勣謂曰足下春秋甫集覽
爾遽擅大名宜稍自貶抑無爲獨出人右也

最畿天子千里地也最者言課居先也記王制曰天子之縣內凡九十國注縣內夏時天子所居州界名也殷曰畿詩商頌曰邦畿千里維民所止周質實亦曰畿今畿縣之內有善政者劉延祐爲最

渭南縣名注見漢獻帝建安十六年劉延祐彭城人

以郝處俊同三品○詔定明堂制度

定明堂制度其基八觚其宇上圓覆以青陽玉葉其門牆階級憲樛楣柱栢案枅拱皆法天地陰陽律歷之數以衆議未決又集覽八觚漢郊祀志紫壇八觚會饑饉竟不果立

集覽

八觚漢郊祀志紫壇八觚宣象八方注觚角也班固

賦設壁門之鳳翔上觚稜而棲金爵注觚稜闕角也轉高轉角處栢案栢字刊誤當是栢字史炤釋文作栢字益訛矣案爾雅栢案謂梁上短柱上承屋脊者案通作節記山節藻梲注栢謂之節楹謂之稅枅拱

爾雅枿柱上橫木承棟者
也檝謂之枹大者謂之拱
質實明堂注見漢武
帝建元元年

夏四月徙高麗戶於江淮山南京西諸州

高麗之民多離叛者敕徙三萬八千二百戶於江淮
之南及山南京西諸州空曠之地留其貧弱者使守
東安

質實

高麗東夷國名注見漢
武帝元封二年朝鮮

六月朔日食質實

日食注見新
莽天鳳元年

○秋八月詔幸涼州不

果行考證

幸當
作如

詔以十月幸涼州時隴右虛耗議者多以爲不宜遊
幸上聞之詔五品已上謂曰自古帝王莫不巡狩故

欲人從之若其不可何不面陳而退有後言邪
三常言然今高燒餘寇尚多西邊兵亦未息隴右戶
口彫生家與所至供億百端外間實有竊議但明制
之行故群臣不敢陳論耳上善其言爲之罷行范氏
高宗溺於所愛不顧禮義雖元舅顧命之臣以先
言之意乎何其從諫之易也且涼州之不行得非武
臣曰能聽諫而謹於細實實隴右注見秦王政三年
亦不免於大惡也
隴西巡狩注見隋煬帝
業六年卷興注
隴西巡狩注見隋煬帝
德宗貞元元年

書法

不果行何美從諫也凡遊幸書不果皆美辭
終綱目遊幸書不至而還二漢明帝永平四

年辛卯年吳主皓書不果行
一足年唯孫皓不至爲危

九月大風海溢

卷六千

書法

終綱目書海溢六
居二焉陰盛之徵也自是無書海溢者矣

冬十一月李勣卒

嘗謂侍臣曰朕虛心求諫而竟無諫者何也李勣曰陛下所爲盡善群臣無得而諫范氏曰甚矣李之佞也陷居於惡又諂以悅之其罪大矣勣本群無識可爲將而不可爲相以輔少主居伊周之地其任矣○勣寢疾謂弟弼曰我見房杜平生勤苦立門戶遭不肖子蕩覆無餘吾此諸子今以付汝察視之其有志氣不倫交游非類者皆先撻殺然以聞范氏曰房杜事君以忠其子孫不肖覆宗絕

祀出於不幸非其積不善也李勣一言喪邦罪不容誅得死牖下幸矣乃以房杜爲戒可謂不能省已者矣父子不責善骨肉之親無絕也而使殺之何異於夷貊豈所以爲訓乎○勣爲將有謀善斷從善如流戰勝則歸功於下所得金帛悉散之將士故人思致死所向克捷臨事選將必訾相其狀貌豐厚者遣之或問其故勣曰薄命之人不足與成功名閨門雍睦而嚴其姊嘗病勣親爲作粥風回藝其鬢髮姊曰僕妾幸多何自苦如是勣曰非然也顧姊老勣亦老雖欲久爲姊煮粥其可得乎常謂人我年十二三時爲亡賴賊逢人則殺十四五爲難當賊有所不愜則殺之十七八爲佳賊臨陳乃殺人二十爲大將用兵以救人死卒謚貞

集覽

得死牖下記喪大記曰疾病寢

武孫敬業嗣

集覽

東首於北牖下注謂君來視之時

也病者恒

質實

伊周謂伊

居北牖下

質實

尹周公

書法

勅功臣也衛公鄂公皆具官此其不書何削之也唐祚幾絕勅之力也故削之

發明

貽武氏之立決於李勣之一言遂至滅唐社稷禍甚慘綱目於廢立之際雖已載之分注

而勣之罪竟未有以見也故於其死盡削其官以罪之爾或曰高宗之時大臣書卒罕有具其官者如竇德立劉祥道之類蓋可見矣曰是不然勣故前朝功臣初非德立祥道之比姑以太宗朝觀之自貞觀四年書蔡公杜如晦卒至廿三年書衛公李靖卒其間書卒者凡十有四人未有不書其爵者又以高宗朝觀之其書前朝舊臣之卒者如北平公張行成鄂公尉遲敬德愛州刺史褚遂良亦未有不書其官者何獨於勣而削之哉勣在兩朝論其勲業殆與衛公鄂公諸人等今綱目獨削其官遂至與隋楊素同科素有廢立儲君之罪勣有廢立中閭之罪故其書法若一是皆深貶而誅之

也不然以勸之公
勤勲績可少訾哉

定銓注法

時承平既久選人益多司列少常伯裴行儉始與員
外郎張仁禕設長名姓歷勝引銓注之法又定州縣
升降官資高下其後遂爲永制無能革之者大畧唐
之選法取人以身言書判計資量勞而擬官始集而
試觀其書判已試而銓察其身言已銓而注詢其便
利已注而唱集衆告之然後類以爲甲先簡僕射乃
上門下給事中讀侍郎省侍中審之不當者駁下既
審然後上聞主者受旨奉行各給以符謂之告身兵
部武選亦然課試之法以騎射及翹關負米人有格
限未至而能試文三篇謂之宏詞試判三條謂之拔
萃入等者得不限而授其黥中嶺南閩中州縣官不
由吏部委都督選擇士人補授凡居官以年爲考六

品以下四考爲滿有劉曉者上疏論之曰今選曹以
檢勘爲公道書判爲得人殊不知考其德行才能况
書判借人者衆矣又禮部取士專用文章爲甲乙故
天下之士皆捨德行而趨文藝有朝登甲科而夕陷
刑辟者雖日誦萬言何關理體文成七步未足化人
取士以德行為先文藝爲末則多士雷奔四方風動
矣

集覽

身言書判唐制擇人之法有四一曰身體貌
豐偉一曰言言辭辨正三曰書楷法道美四

曰判文理優長四事皆可取則先德行見選舉志道
才由反健也乃上門下上是掌反進也門下謂門下
省給事中讀讀其身言書判便利也侍郎省省視也
翹關負米二者取士之科也唐選舉志詔四方德行
才學之士下至翹關拔山莫不兼取注武氏長安二
年始置武舉其制有馬槍翹關負重身材之選翹關
長丈七尺徑二寸半凡十舉後手持關距出處無過
一尺負重即負米之說如郭子儀中負米科是也

質實

銓注注見晉武帝太康六年黔中郡名注見漢光武建武二十四年嶺南道名注見秦始皇三

十三年南海閩中郡名注見漢武帝建元三年文成七步魏志文帝妬弟植有才思欲刑之令七步作詩不則行刑植應聲曰煮豆燃豆其豆在釜中泣本是同根生相煎何太急詩竟釋之

發明

以言書判取人可也以身取人而求其體貌豐偉焉如是則體若不勝衣之趙文子容貌

若婦人女子之張良不在所取矣烏在其爲良法哉書之于冊其失自見

庚午咸亨元年春正月劉仁軌致仕○三月許敬宗致仕

○敕突厥酋長子弟給事東宮

西臺舍人徐齊肅上疏曰皇太子當引文學端良之士寘左右豈可使戎狄醜類入侍軒闥又奏齊獻公

即陛下外祖雖子孫有犯豈應上延祖禰今周忠孝公廟甚脩而齊廟毀廢非所以彰孝理之風也上皆從之齊聘充質實徐齊聘長城人齊獻公貞觀初追容之弟也

章帝元和二年周忠孝公永徽初追封武士護爲周忠孝公充容女官名事物紀原云漢典有充則疑漢官也北史曰隋煬帝參詳典故著之於令也

書法

太子國本也太宗父子於其東宮常有不當詔之詔綱目每謹書之詔訟不決者聽於東

宮上啟則書太宗貞觀四年詔太子用庫物有司勿爲限制則書太宗貞觀十六年詔太子知左右

屯營兵馬事則書太宗貞觀十七年敕突厥酋長子弟給事東宮則書是年皆所以爲世戒也

發明

太子國儲副君當以儒學端良之士與之游處今乃以夷狄醜類居之其輕國本甚矣高

宗岳庸失德方且倚重中官謂可付託他日至欲使之攝政則其不顧厥子固其宜也書敕突厥酋長子弟給事東宮繆可知矣

夏六月朔日食○秋八月薛仁貴擊吐蕃敗績

初吐蕃陷西域十八州入與于闐襲龜茲撥換城陷之詔罷龜茲于闐焉耆疎勒四鎮以薛仁貴爲大總管阿史那道真郭待封副之以討吐蕃至大非川將趣烏海仁貴曰烏海險遠輜重自隨難以趨利宜留輜重置柵於大非嶺上吾屬帥輕銳倍道西行掩其未備破之必矣仁貴帥所部前行擊吐蕃於河口大破之進屯烏海待封先與仁貴並列不肯受其節度將輜重徐進遇吐蕃大敗棄輜重走仁貴退屯大非川吐蕃就擊之唐兵大敗死傷畧盡與欽陵約和而還仁貴待封皆免死除名欽陵祿東贊之子也與弟

贊婆悉多于勃論皆有才略欽陵代集覽贊婆悉多

父秉政三弟將兵居外隣國畏之

于勃論吐

蕃俗不言姓其王族皆稱論官族皆稱尚質實

西域國名

曰贊婆曰悉多曰于勃皆欽陵弟故稱論

質實

西域國名

注見漢哀帝元壽二年于闐按一統志古國名居蔥

嶺之北二百餘里自漢至唐皆入貢中國五代晉天

福中其王李聖天自稱唐宗屬遣使來貢冊封爲大

寶于闐國王宋建隆初聖天遣使來貢乾德中又遣

其子德從來貢大中祥符初其國黑韓王遣回鶻羅

思溫等入貢嘉祐中遣使羅撒溫獻方物請王號乃

以其國王爲特進歸忠保順砮鱗黑韓王夷語謂金

翅烏爲砮鱗黑韓蓋可汗之訛也元豐中遣部領阿

辛上表稱于闐國僂儼有福力量知文法黑汗王書

元祐後詔令間歲一至訖于宣和朝享不絕本朝永

樂初頭目打魯哇亦不刺金遣使滿刺哈撒木丁等

貢玉璞焉耆西域國名注見宋文帝元嘉十二年疎

貢玉璞焉耆西域國名注見宋文帝元嘉十二年疎

勒西域國名注見漢武帝元鼎二年輜重注見周顯
王三十七年吐蕃西羌種名注見太宗貞觀八年

書法

書擊何譏也蠻夷相攻不治可也亦既
表請和矣而復伐之建無名也故書擊

關中旱饑質實

關中注見玄宗開元十一年京兆

○九月魯國夫人楊

氏卒

后之母也敕文武官及內外
命婦並詣宅弔哭諡曰忠烈

書法

楊氏何武后母也后母卒未有書者此其卒
之何譏也於是敕文武官及內外命婦並詣

弔哭且賜諡曰忠烈故書譏之自漢安帝書太后
母卒至是而書后母卒厚母黨可也妻黨甚矣終

綱目書加恩外氏者三漢宣帝外祖母博平
君安帝鄧太后母新野君唐武后母楊氏

閏月皇后以早請避位不許

發明

君治陽后治陰理也天以早告此人君之事爾后何預而請避位哉且其久位中閭避將

何之直書于冊不惟見武氏愚弄其夫之罪亦以見昏君甘受其侮之惡

○加贈武士護爲太原王夫人爲妃考異

武字當質實作后父

太原郡名注見齊明帝建武三年并州

書法

先是書贈官凡三矣未有書加贈者書加贈何著恩私之無已也既贈司徒爵周公於是

復加贈太原王私益甚矣故書加譏之終綱目書贈官十二詳晉明帝太寧三年書加者一而已

○趙仁本罷○冬十月詔官名復舊

辛未二年冬十一月朔日食

壬申三年春二月徙吐谷渾於靈州

吐谷渾畏吐蕃徙靈州質實靈州注見太宗貞觀二十年

姜恪卒○夏四月吐蕃遣使入貢

吐蕃遣其大臣仲琮入貢上問以吐蕃風俗對曰吐蕃地薄氣寒風俗樸魯然法令嚴整上下一心議事常自下而起因人所利而行之斯所以能持久也

秋八月許敬宗卒

太常博士袁思古以敬宗嘗奏流其子於嶺南又以女嫁蠻酋多納其貨按諡法名與實爽曰繆請以諡

之敬宗孫彥伯訟請改諡博士王福時曰何曾既忠且孝徒以日食萬錢得諡爲繆敬宗忠孝不逮於曾而飲食男女之累過之諡之曰繆無負許氏矣詔五品以上更議禮部尚書楊思敬曰過而能改曰恭請諡曰恭詔從之**集覽**男女之累累去聲玷也謂奏流福時通之子也其子於嶺南又以女嫁蠻酋多納其**質實**王福時龍門人何曾既忠且孝日食萬錢貨何曾陽夏人好學博聞性至孝友自少至老夫婦相見如賓無聲樂嬖倖之好仕魏至鎮北將軍入晉累官太宰侍中然性奢豪務在華侈帷帳車服窮極綺麗厨膳滋味過於王者每燕見不食太官所設帝輒命取其食蒸餅上不坼作十字不食日食萬錢猶曰無下筋處

冬十一月朔日食○以劉仁軌同三品○以邢文偉爲

右史王及善爲左千牛衛將軍

太子弘罕接宮臣典膳丞邢文偉輒減所供膳上書諫太子納之上聞之曰直士也擢爲右史太子因宴集命宮臣擲倒次至左奉裕率王及善及善曰擲倒自有伶官臣若奉令恐非所以羽翼殿下也太子謝之上聞之賜及善緋百集覽擲倒擲掉倒仆也猶言匹尋遷左千牛衛將軍相撲伶官詩注樂官也黃帝時樂師伶倫世掌樂官而質實邢文偉全椒人善馬故後世多號樂官爲伶官千牛衛注見隋煬帝大業十三年

癸酉四年春三月詔劉仁軌修改國史

以許敬宗等所記多不實故也

秋七月婺州大水質實

婺州注見晉哀帝興寧三年東陽

○冬十月閏

立本卒○十二月弓月疎勒來降質實

弓月西域國名注見永淳元年

甲戌上元元年春正月以劉仁軌爲雞林道大總管討新

羅考證

討當作伐

時新羅王法敏既納高麗叛衆又據百濟故地質實詔削官爵立其弟仁問在京師者爲王使歸國

新羅東夷國名注見漢武帝元封二年朝鮮

三月朔日食○以武承嗣爲周國公考異

以當作封武字當作皇后

兄子四字按封拜例曰親戚貴重者書其屬據漢高后呂氏元年書追尊父呂公爲宣王兄澤爲悼武王四年

書太后封女弟嬬爲臨光侯皆書其屬則此當書其屬以著武氏革唐之由後凡封拜諸武皆倣此

元爽之子也

秋八月帝稱天皇后稱天后○九月追復長孫無忌官爵

以無忌曾孫翼襲爵趙公聽陪葬昭陵

集覽

陪葬昭陵陪厠也昭陵太宗墓在醴泉

質實

趙州名注見漢景帝三年趙國

大酺

大酺上御翔鸞閣觀之分音樂爲東西朋使雍王賢主東朋周王顯主西朋角勝爲樂邾處俊諫曰二王

欽定四庫全書

人

御批資治通鑑綱目

二十八

春秋尚少志趣未定當推梨讓棗相親如一今分二
明遜相誇競非所以崇禮義勸敦睦也上瞿然曰卿
達識非衆人所集覽大酺注見玄宗開元元年又注
及也遜止之見周赧王二十年酺五日角勝
漢書角抵謂兩兩相當角力角技藝射御以爭勝推
梨讓棗推吐追反亦讓也棗或作栗刊誤漢孔融四
歲時與諸兄食梨棗輒引小者人問其故答曰我小
兒法當取小者瞿然曰瞿音屨驚視貌記檀弓曾子
聞之瞿然曰

天后表便宜十二條詔行之

后以國家聖緒出玄元皇帝請令王公以下皆習老
子令明經舉人策試又請自今父在爲母服齊衰三
年又京官八品以上量加俸祿及他便宜合十二條
詔書褒美皆行之胡氏曰五服聖人所制其輕重隆

殺皆有義理豈可以私增損武氏之爲此請也蓋太宗加高祖母諸服有以啟之也古父在爲母齊衰期豈聖人固薄於母哉今天無二日民無二王家無二主尊無二上定于一也今躋地尊天持陰敵陽其欲陵滅夫宗獨御四海之意豈特履霜而已哉不獨高宗憤然而其失至今未改也必欲得正其必以古爲則

集覽

古父在爲母齊衰期禮子爲母服齊衰三年父在則厭降服齊衰期此古禮也案文公儀

禮圖喪服篇父在爲母傳曰何以期**質實**老子注見也屈也至尊在不敢伸其私尊也

康三年

書法

書詔行之何病帝也於是請父在爲母服三年雖人子所樂聞者而發於天后則敵陽之

意昭昭矣是故天后表便宜十二事書行之是年皇后表請改易制度書從之中宗神龍元年皆病

其上
也

乙亥二年春二月劉仁軌大破新羅

仁軌大破新羅之衆於七重城引兵還詔以總管李
謹行屯新樂之買肖城以經畧之新羅遣使謝罪上
赦之復法敏官爵仁集覽法敏去年詔削官質實臨
問改封臨海郡公爵立其弟仁問
郎注見晉孝武
帝太元二年

三月天后祀先蠶

天后祀先蠶于邛山之陽百官及朝集使皆陪位時
上苦風眩議使天后攝政郝處俊諫曰天子理外后
理內天之道也昔魏文帝著令雖有幼主不許皇后
臨朝所以杜禍亂之萌陛下柰何以高祖太宗之天

下不傳之子孫而委之天后乎中書侍郎李義琰曰
處俊之言至忠陛下宜聽之上乃止天后多引文學
之士元萬頃劉禕之等使之撰列女傳臣軌百僚新
成樂書凡千餘卷時密令參決表奏以分宰相之權
時人謂之集覽祀先蠶雲笈云黃帝元妃西陵氏始
北門學士集覽祀先蠶爲絲禮記皇妃祭先蠶西陵氏
也案漢儀春桑生皇后親桑於苑中蠶室養蠶于薄
以中牢羊豕祠蠶神曰苑窳婦人寓氏公主凡二神
也通典曰先質實邛山注見漢靈帝中平六年李義
蠶天駟也琰魏州昌樂人劉禕之晉陵人子
翼之子

書法

常事耳何以書於是百官及
朝集使皆陪位非常也故書

以韋弘機爲司農卿質實

韋弘機京兆萬年人

弘機嘗受詔葺苑宦者犯法弘機杖之然後奏聞上以爲能賜絹數十匹曰更有犯者卿即杖之不必奏也

夏四月以趙瓌爲括州刺史

左千牛衛將軍趙瓌尚高祖女常樂公主女爲周王顯妃公主頗爲上所厚天后惡之廢妃幽殺之貶瓌刺括州令公主質實常樂按一統志隋之縣名屬燉煌郡唐初因之後改曰晉昌故址在陝西行都司舊瓜州北括州注見顯慶五年

太子弘薨諡孝敬皇帝立雍王賢爲太子考異

提要薨作卒按

凡例未踰年不成君曰卒則此當從提要爲下漏皇字

考證

薨當作中毒卒。謹按凡例曰凡以毒弑

弘之奏請義陽
宣城二公主出
降洵仁厚之至
意第時方母后
逞志宜曲為感
悟徐悛轉移徑
上聞於君父致
觸母后之怒亦
有自取之咎云

疑者曰中毒崩註云如晉惠帝史言司馬越之酖而通
鑑不著其語故但如此書以傳疑今太子弘之死李泌
嘗言武后欲謀篡國酖太子弘通鑑亦云時人以爲天
后酖之事未顯明故不以殺書又按綱目太子死失著
例憲宗太子寧文宗太子永皆書卒今故上取晉惠
帝中毒下取太子寧永卒例當書曰太子弘中毒卒
太子弘仁孝謙謹上甚愛之中外屬心天后方逞其
志太子奏請數忤旨義陽宣城二公主蕭淑妃之女
也幽于掖庭年踰三十太子見之驚惻奏請出降上
許之天后怒即日以公主配當上翊衛太子尋薨時
人以爲天后酖之也詔追諡爲孝敬皇帝范氏曰皇
帝者有天下之號非所以爲贈也父沒而後子立今
父在而追尊其子豈禮也哉蓋武后謀篡國酖太子
而加之尊名以掩其迹李泌之言信矣胡氏曰太子
弘幼有美質其過失惟命官臣擲倒一節而已嘗受
春秋至商臣事廢書而嘆曰經籍聖人垂訓而書此

何邪郭瑜對曰春秋義存褒貶故商臣千載而惡名
不滅弘曰非唯口不可道即亦耳不惡聞願受他經
瑜請讀禮從之弘方幼學而心志如此豈非賢乎其
死也非有他過特以奏請弗旨嗚呼爲人臣子而不
知春秋之義者必陷誅死之罪弘之謂矣太子之職
問安侍膳此外非所預也君父儒昏母后專恣尤當
遵養時晦以絕疑忌之萌而輕用其智不自韜默此
春秋所禁也使郭瑜知此教弘以爲太子之道豈至
於一言違忤而見醜哉經訓不明皆腐儒暗於大理
而居人父子之間其禍如此則人君愛其子而爲之
擇師友者集覽屬心猶言注意屬音燭李泌之言見
可不慎哉肅宗至德二載李泌字長源董衡釋
泌薄必反或音兵媚反者非商臣事商臣春秋楚成
王世子也弑成王而自立事在文元年遵養時晦注
見憲宗元和十二年腐儒言其賈實梁武陽縣名注見
但能守陳腐之見不達時宜

平宣城縣名注同上三年宛陵按
名注見漢武帝後元元年

書法

綱目卒太子多矣未有書薨者此獨書薨何
諡爲帝也綱目自分王外書薨之例七非不

成君廢帝廢后則諡爲帝爲后者也不然則帝母
也有大功公主也平陽公主舍是無薨道矣唐會
昌以後藩鎮大臣有書薨者誤也然則書諡皇帝
何諡也君父在上而以皇帝號其子是二日二王
矣終綱目書諡皇帝四弘車茂憲侯於是雍王爲
太子不書皇缺也綱目太子不書皇者五高宗雍
王賢睿宗景平王隆基玄宗忠王

興穆宗景王湛文宗魯王永

發明

太子弘之卒人皆以爲天后酖之綱目何不
以皇后酖太子弘殺之爲文高宗蔽於孽后

昏然無知故綱目直書太子弘薨以著高宗愚蔽
之失而武氏酖毒之禍亦固在其中矣嗚呼莫親

于父子莫重於儲極其死
且莫能明之他何望哉噫

秋七月杞王上金澧州安置質實

杞王上金杞州名注
見漢桓帝延熹四年

上金唐高宗子初封杞王徙封澤王澧州按一統
志上秦黔中郡地漢屬武陵郡孫吳屬天門郡晉置南
平郡又析置義陽郡南齊爲天門南平義陽三郡地隋
初置郡置松州尋改爲澧州治澧陽縣大業中改爲澧
州唐初復爲澧州屬山南道天寶初改澧陽郡乾元
初改爲澧州宋屬荆湖北路元聖爲澧州路本朝初改
爲府尋改爲
岳州府

天后惡上金有司希
言奏其罪故有是會

八月以戴至德劉仁軌爲左右僕射張文瓘爲侍中郝

處俊爲中書令李敬玄同三品

劉仁軌戴至德更日受牒訴仁軌常以美言許之至德必據理難詰未嘗與奪實有寃結者密爲奏辨由是時譽皆歸仁軌或問其故至德曰威福者人主之柄人臣安得盜取上聞之深重之有老嫗欲詣仁軌陳牒誤詣至德至德覽之未終嫗曰本謂是解事僕射乃不解事僕射邪歸我牒至德笑而授之時人稱其長者文瓘時兼大理卿因聞改官皆慟哭文瓘性嚴正諸司奏議多所糾駁上甚委之質實李敬玄亳州譙人戴至德相州安陽人曹元子大理官名注見高祖武德九年

丙子儀鳳元年春正月以來恒薛元超同三品質實薛元

州人收○閏月吐蕃寇鄯州質實鄯州注見漢宣帝○

以高智周同三品質實

高智周晉陵人

秋八月始遣使詣桂

廣文黔等府注擬考異

詣當作之或作如

敕桂廣等都督府比來注擬簡擇未精自今每四年遣五品以上官充使仍令御史同往注擬時人謂之

南質實

桂林廣文黔四州名桂注見秦始皇三十三年

日南二郡界地後廢入蘭州故趾在慶遠府城西南四百二十里黔注見高祖武德三年

九月以狄仁傑爲侍御史

將軍權善才中郎將范懷義誤斫昭陵栢當除名上特命殺之大理丞狄仁傑奏罪不當死上曰我不殺則爲不孝仁傑固執不已上怒令出仁傑曰犯顏直諫自古以爲難臣以爲遇桀紂則難遇堯舜則易夫

法不至死而陛下特殺之是法不信於人也人何所措其手足且張釋之有言設有盜長陵一杯土陛下何以處之今以一栢殺二將軍後代謂陛下爲何如矣臣不敢奉詔旨恐陷陛下於不道且羞見釋之於地下也上怒解遂貸之仍擢仁傑爲侍御史初仁傑爲并州法曹同僚鄭崇質當使絕域崇質母老且病仁傑曰彼母如此豈可復使之有萬里之憂詣長史蘭仁基請代之行仁基素與司馬李孝廉不協因相謂曰吾輩豈可不自愧乎遂相與輯睦胡氏曰高宗於乃考帝範十不遵一妻父之妃而殺顧命大臣其與陵柏孰重於其重者安行而不忘而切切於薄物細故以爲孝豈不猶盜跖以分均出後爲仁義哉

集覽 盜長陵一杯土注見漢文帝三年分均出後莊子胠篋篇出後義也分均仁也注盜之爲道矢石相交不顧性命出競居後可**質實** 狄仁傑太原人謂有義分物均平可謂有仁

帝建武三年盜跖注
見武宗會昌五年

冬十月祫享太廟

用太學博士史璨議禘後質實
禘後三年而祫禘注
三年而祫祫後二年而禘
質實
見漢後主建興十五年
年祫注見漢平
帝元始五年

郇王素節袁州安置

素節蕭淑妃之子也警敏好學天后惡之以爲申州
刺史素節以久不得入覲著忠孝論后見之誣以賊
賄降封鄱陽質實
申州注見梁武帝太清二年義陽
王袁州安置
鄱陽縣名注見秦二世二年袁州
按一統志禹貢揚州之域春秋時屬吳戰國時屬楚
秦屬九江郡漢爲豫章郡地孫吳及晉兼屬安成郡

隋於宜春縣置袁州因袁山爲名大業初改爲宜春郡唐初復置袁州屬江南道開元間屬江南西道天寶初復爲宜春郡乾元初仍爲袁州宋因之元改置袁州路本朝改爲袁州府隸江西道

以李敬玄爲中書令

丁丑二年春正月耕藉田考異

耕上漏帝字

○二月以高藏爲

朝鮮王扶餘隆爲帶方王

以高藏爲朝鮮王遣歸遼東安輯高麗餘衆高麗先在諸州者遣與俱歸扶餘隆爲帶方王亦遣歸安輯百濟餘衆仍移安東都護府於新城以統之藏至遼東謀叛召還徙卬州而死高麗舊城沒於新羅餘衆散入靺鞨隆亦不敢還質實朝鮮東夷國名注見漢故地高氏扶餘氏遂亡

名注見秦王政三年帶方州名注見晉惠帝元康元年安東都護府注見秦王政三年遼東卬州注見僖宗中和二年靺鞨北狄種名注見隋文帝開皇十八年

郝處俊高智周罷○夏四月河南北旱

遣御史中丞崔謚等分道賑給侍御史劉思立上疏曰麥秀蠶老農事方殷聚集參迎妨廢不少既緣賑給須立簿書本欲安存更成煩擾伏望且委州縣賑給疏奏謚等遂不行

張大安同三品考異

張上漏以字

○詔廢顯慶新禮

詔以顯慶新禮多不師古其五禮並依周禮行事自是禮官益無憑守每大禮臨時撰定

秋八月徙周王顯爲英王

更名

命劉仁軌鎮洮河軍質實

洮河二州名洮注見高祖武德六年河注見晉穆帝永和

元年

戊寅三年春正月百官四夷朝天后於光順門

書法

君在而後朝百官四夷不待貶而義見矣綱目不書天后朝百官四夷書曰百官四夷朝

天后罪謫者也○元且百官朝后始此

發明

春秋魯莊公時書夫人姜氏會齊侯于禚書享齊侯于祝又書姜氏如齊師蓋其進之以

漸所以甚其惡也綱目之於武氏既書皇后決百官奏事又書后稱天后又書后表便宜至是又書

欽定四庫全書

御批資治通鑑綱目

卷四十一上

三十六

四夷百官朝天。后則其愈進。愈盛。幾於無君者矣。屢霜堅冰可畏如此。特書屢書。誠千古之龜鑑也。

○以李敬玄爲洮河道大總管

劉仁軌有奏請多爲李敬玄所抑。由是怨之。知敬玄非將帥才。薦之使守西邊。敬玄固辭。上曰。仁軌須朕朕亦自往。卿安得辭。乃以敬玄代仁軌。大發兵討吐蕃。

夏五月幸九成宮考異

月下漏

考證

幸當作如

集覽

九成宮即隋仁

壽宮在質實

九成宮注見隋文帝開皇十三年仁壽宮

山。中雨寒。從兵有凍死者。胡氏曰。高宗可謂舒遲解緩之君。在咎徵宜得常燠。今乃盛夏而寒。此武氏好殺氣之先至者也。惟見微者知之。而人居不悟也。

秋九月還京師○詔復奏破陣樂

上初即位不忍觀破陣樂命徹之至是太常奏久寢懼廢乃復奏之

侍中張文瓘卒

上將討新羅文瓘卧疾在家自輿入諫曰今吐蕃爲寇方發兵西討新羅未嘗犯邊若又東征臣恐公私不堪其弊上乃止

李敬玄與吐蕃戰敗績

李敬玄將兵十八萬與吐蕃將論欽陵戰於青海之上副總管劉審禮深入敗沒敬玄按兵不救狼狽還走虜追擊之員外將軍黑齒常之夜帥死士襲擊虜營虜乃遁去敬玄收餘衆還鄯州上嘉常之功擢

欽定四庫全書

御批資治通鑑綱目

三十七

拜左武衛將軍散立之西征也監察御史婁師德應
猛士詔從軍及敗敕師德收集散亡軍乃復振因命
使于吐蕃吐蕃將論贊婆迎之師德宣導上意論以
禍福贊婆甚悅爲之數年不犯邊上以吐蕃爲憂恚
召侍臣謀之或欲和親或欲嚴備侯公私富實而討
之或欲亟發兵擊之議竟不決太學生魏元忠上封
事曰理國之要在文與武今言文者則以辭華爲首
而不及經綸言武者則以騎射爲先而不知方畧故
陸機著論辨亡無救河梁之敗養由基射穿七札不
濟鄢陵之師此已然之明效也古語有之兵無強弱
將有巧拙故選將當以智畧爲本勇力爲末今朝廷
用人類取將門子弟及死事之家彼皆庸人豈足當
閫外之任古之名將皆出貧賤而立殊功未聞其家
代爲將也夫賞罰者軍國之切務近日征伐虛有賞
格而無事實蓋由小才之吏不知大體徒惜勲庸恐
虛倉庫不知士不用命所損幾何自蘇定方征遼東

李勣破平壤賞絕不行大非川之敗薛仁貴郭待封等不即重誅臣恐吐蕃之平非旦夕可冀也又出師之要全資馬力請開蓄馬之禁使百姓皆得蓄馬若官軍大舉增價市之則皆爲官有矣上善其言召見令直中書省

集覽

論欽陵欽陵名也吐蕃之將論注

伏內供奉

見咸亨元年青海吐谷渾中有青

海周回九百里中有一山至冬凍合遊牝馬其上言得龍種嘗得波斯草馬因生驄駒故代稱青海驄龍朔中吐蕃滅吐谷渾而盡有其地十三州志云青海左臨羌縣西有卑禾海謂之青海陸機著論辨亡無救河梁之敗言徒以辭華爲文也陸機本吳人深慨孫皓之亡遂著辯亡論二篇後仕于晉成都王穎以機爲河北大都督討長沙王乂列軍自朝歌至河橋戰於鹿苑機軍大敗養由基射穿七札不濟鄆陵之師言徒以騎射爲武也左傳成十六年晉楚過於鄆陵養由基蹲甲而射之徹七札馬以示王曰君有臣

如此何憂於戰王怒曰大辱國既戰楚師敗績注蹲
聚也一發達七札言其能陷堅也王怒曰大辱國者
楚共王賤其不尚知謀也楚辭天問篇何羿之狀革
而交吞揆之文公注云狀革禮所謂貫革之狀左傳
所謂蹲甲而狀之者言有力也吞滅也揆謀度也言
何羿之狀藝勇力而其衆乃交進而吞謀之乎亦此
意也狀質實青海按一統志即西海在陝西行都司
與射同質實西寧衛城西三百餘里海方數百里有
魚无鱗背負黑點漢平帝時王莽秉政風旱禾羗獻
西海之地置西海郡莽敗郡廢一名卑禾羗海俗呼
青海狼狽注見漢獻帝初平三年婁師
總鄭州原武人魏元忠宋州宋城人

來恒卒

己卯調露元年春正月幸東都司農卿韋弘機免考異月

漏帝字又巡幸例曰郡國曰如官府**考證**幸當第宅曰幸此書幸東都當作如東都

弘機作上陽等宮制度壯麗侍御史狄仁傑劾奏弘機導上爲奢泰免其官左司郎中王本立恃恩用事朝廷畏之仁傑奏其姦上特原之仁傑曰陛下何惜罪人以虧王法必欲曲赦本立請棄臣於無人之境爲忠貞之誠本立竟**質實**東都注見秦莊襄王元年得罪由是朝廷肅然**質實**三川上陽宮名注見乾封年二年

二月吐蕃贊普死

贊普卒子器弩悉弄立年八歲上命裴行儉乘間圖之行儉曰欽陵爲政大臣輯睦未可圖也乃止

書法

吐蕃書死始此

夏四月以郝處俊爲侍中○命太子賢監國

太子處事明
審時人稱之

六月遣吏部侍郎裴行儉立波斯王行儉襲執阿史那都支以歸

初西突厥阿史那都支及其別帥李遮旬與吐蕃連和侵逼安西朝議欲發兵討之吏部侍郎裴行儉曰今波斯王卒其子質京師宜遣使送歸道過二虜以便宜取之可不血刃而擒也上從之乃命行儉冊立波斯王行儉奏肅州刺史王方翼爲副過西州揚言須稍涼西上都支覘知之遂不設備行儉召四鎮酋長謂曰昔在此川縱獵甚樂今欲尋舊賞誰能從者諸胡子弟爭請行近得萬人行儉陽爲畋獵校勒部

五款日逃信通馬道去都支部落十餘里遣使問其
安否名與相見都支計無所出帥子弟迎謁遂擒之
歷其後時建德通遼遼通遼亦降於是囚都支遮旬以
歸建波斯王自還其國留王方翼於安西使築碎葉
城集覽四鎮安西四鎮以西域四國爲名質實安西
曰龜茲曰于闐曰碎葉曰疎勒鎮名
注見永淳元年京師注見周顯王二十五年肅州注
見漢武帝元朔三年酒泉西州注見齊明帝建武四
年高昌

冬十月單于府突厥反遂寇定州

單于大都護府突厥阿史德溫傳奉職二部俱反立
阿史那泥熟匄爲可汗二十四州酋長皆叛應之衆
數十萬遣長史蕭嗣業等將兵討之嗣業等先戰屢
捷因不設備會大雪突厥夜襲其營嗣業狼狽拔營

走衆遂大亂爲虜所敗定厥寇定州刺史霍王元軌
命開門偃旗虜疑有伏懼而遁州人李嘉運與虜通
謀事泄上令元軌窮其黨與元軌曰強寇在境人心
不安若多所逮繫是驅之使叛也乃獨殺嘉運餘無
所問上大喜自是朝廷有大事上多密敕問之集覽
道將王曾懷舜屯井陘崔猷屯龍門以備突厥集覽
阿史德溫傳奉職阿史德突厥質實定州注見周威烈
三字姓溫傳與奉職同此姓氏
山井陘縣名注見秦王政十八年
龍門縣名注見隋文帝仁壽三年

永隆元年春三月以裴行儉爲定襄道大總管討突

厥平之考證

討當

初上謂裴行儉曰卿文武兼資今授卿二職乃除禮
部尚書右衛大將軍爲定襄道行軍大總管將兵三

十餘萬以討突厥至是大破突厥於黑山擒奉職泥
熟匭爲其下所殺以首來降初行儉至朔州謂其下
曰撫士貴誠制敵尚詐乃爲糧車三百乘每車伏壯
士五人各持陌刀勁弩以羸兵爲之援且伏精兵於
險要以待之虜果至羸兵棄甲散走虜驅車就水草
解鞍牧馬欲取糧壯士自車中躍出擊之虜驚走復
爲伏兵所邀殺獲殆盡自是運糧行者虜莫敢近軍
至單于府北抵暮下營掘塹已周行儉遂命移就高
岡諸將皆言士卒已安不可動行儉不從趣使移是
夜風雨暴至前所營地水深丈餘諸將驚服問其故
行儉笑曰自今但從我**集覽**陌刀陌本作鉞廣韻注
命不必問其所由知也**集覽**陌刀陌本作鉞廣韻注
陌反並訓鉞刀軍器也唐越州都督闕綬**質實**定襄
善用兩刃刀長丈名曰柏刀疑柏字誤**質實**道注
見晉懷帝永嘉六年黑山按一統志在大同府城西
北四百五十里古豐州境與雲內州夾山東西相連

朔州未詳處所或謂即朔州注見漢高帝六年馬邑

夏四月裴炎崔知溫王德真同三品考異裴上漏○秋

七月吐蕃寇河源

吐蕃寇河源將軍黑齒常之擊卻之常之以河源衝要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先是劍南募兵於茂州築安戎城以斷吐蕃之路吐蕃攻陷其城以兵據之由是西洱諸蠻皆降于吐蕃吐蕃之地東接京松茂雋等州南隣天竺西陷龜茲踈勒等四鎮北抵突厥地方集覽西洱注見隋文萬餘里諸胡之威莫與爲比帝開皇十七年

賈實

裴炎聞喜人崔知溫鄢陵人河源注見太宗貞觀九年劍南道名注見晉武帝泰始八年涼松

茂鴛四州名涼注見中宗景龍二年松注見漢後主
炎興元年甘松茂注見漢武帝元鼎六年冉駹鴛注
同上年越鴛天竺西域
國名注同上元狩元年

八月貶李敬玄爲衡州刺史質實

衡州注見宋文帝
元嘉十六年衡陽

敬玄軍既敗屢稱疾請還既至
無疾詣中書視事上怒貶之

廢太子賢爲庶人立英王哲爲皇太子

太子賢聞宮中竊議以賢爲天后姊韓國夫人所生
內自疑懼方士明崇儼以厭勝之術爲天后所信官
至正諫大夫嘗密稱太子不堪承繼英王貌類太宗
會崇儼爲人所殺天后遂疑太子所爲太子頗好聲
色與戶奴狎昵天后使人告其事鞠之於馬坊得皂
甲數百領以爲反具上素愛太子欲宥之天后不可

遂廢爲庶人黨與皆伏誅左庶子張大安坐阿附左
遷餘皆釋之左庶子薛元超等皆舞蹈拜恩右庶子
李義琰獨引咎質實明崇儼洛州人厭勝注見隋文
帝開皇二十年左遷注見漢宣
帝元康二年

發明

弘賢皆武氏所出弘既醜死賢又廢黜殘忍
一至於此蓋凶悍之性乃其所素有者故始

馬扼殺其女以陷王后而終馬廢殺二子以逞其
欲婦人陰險可畏未有若是之甚者書廢不書罪
高宗雖素所鍾愛欲宥之而不
可則亦具位焉爾可勝嘆哉

冬十一月朔日食

辛巳開耀元年春正月宴百官及命婦於麟德殿

以立太子宴百官及命婦於宣政殿引九部伎及散樂自宣政門入太常博士袁利貞上疏以爲正寢非命婦宴會之地路門非倡優進御之所請命婦會於別殿九部伎自東西門入而停散樂上乃更命置宴於麟德殿賜利貞帛百匹利貞族孫誼爲蘇州刺史自以其先宋太尉淑以來盡忠帝室琅邪王氏雖奕世台鼎而爲歷代佐命耻與爲比嘗曰所貴於名家者爲其世篤忠貞才行相繼故也彼驚婚姻求祿利者又烏集覽正寢即路寢也注見漢元帝竟寧元年足貴乎集覽路門顏師古曰路大也大寢門也天子宮內有路寢故曰路門禮天官閽人掌守王宮之中門之禁鄭司農云王之門有五其外曰臯門二曰雉門三曰庫門四曰應門五曰路門奕世台鼎奕世猶言累代也三公上應台階鼎足承君故曰台鼎實宣政殿注見憲宗元和十四年倡優注見隋文帝開皇二十年麟德殿注見憲宗元和十四年宣政

袁利貞陽夏人湛之族孫蘇州注見漢獻帝建興三年宋太尉淑以來盡忠帝室謂袁淑袁粲事在宋文宋順二帝時琅邪王氏奕世台鼎謂王導王弘事在晉元宋武二帝時鬻婚姻求利祿者謂宋之褚淵王儉革

書法

唐以來書宴多矣未有及命婦者宴命婦於殿上天后之仇也故謹志之終綱目書宴十

六大宴一詳漢高帝五年書及命婦者一而已矣是年

發明

高宗柔懦不君而牽於愛慾故其所爲大率皆類婦人女子然而宴之設特爲武氏而

已儻止宴百官則武氏無預必宴及命婦則武氏預矣此固當時之意也而亦綱目書法之意也

三月郝處俊罷○以劉仁軌爲太子少傅考異

提要少作太

小女生裴匪舒善營利奏賣苑中馬冀歲得錢二十
萬上以問劉仁軌對曰利則厚矣恐後代稱唐家
賣馬真非嘉名也乃止匪舒又爲上造鏡殿上與仁
軌觀之仁軌驚趨下殿上問其故對曰天無二日上
無二主適視四壁有數天子
不祥孰甚焉上遽令剔去

秋七月太平公主適薛紹考異

以太上漏以字

紹母太宗女城陽公主也紹兄顓以公主寵盛深憂
之以司族祖戶部郎中克構克構曰帝甥尚主國家
故事苟以恭慎行之何傷然諺曰娶婦得公主無事
取官去亦不得木懼也胡氏曰士大夫有志節者多
不肯連姻天家而帝女下嫁必妙選名士若各從所
欲則無可以成婚矣然舜由匹夫爲天子壻能使二
女率循婦道此則尚主之法式也然必也公主有父
母師傅之訓如太宗宣宗不驕其女而爲之壻者德

其行其何美如之不然殆難免於薛克構之言矣質
實城陽公主城陽縣名注見漢獻帝建安二年公主
氏家注見肅宗上元二年尚
主注見晉安帝隆安五年

書法

公主下嫁書以此其不書何許與行不同時

也許與行不同時書其行而已故不書以者
書適日遠甚者兩書之代宗永樂綱目公主下
嫁不書以者五高宗太平中宗安樂玄宗永穆宣

書法

以裴炎爲侍中崔知溫薛元超爲中書令○徵處士田
逆後爲太子洗馬

遊巖隱居泰山上東封嘗幸其廬徵爲洗馬無所規
益右衛副率薛儼以書責之曰足下負巢由之峻節
傲唐虞之聖主屈萬乘之重申三顧之榮將以輔道
儲貳漸染芝蘭耳皇太子春秋鼎盛聖道未周足下
乃唯唯而無一談悠悠以卒年歲何集覽巢由注見
以塞聖主調護之寄乎遊儼不能答新莽始建
國三年三顧之榮漢先主質實處士注見周赧王元
三顧諸葛亮於草廬之中質實處士注見周赧王元
見秦始皇二十八年洗馬官
名注見晉孝武帝泰始二年

裴行儉討突厥阿史那伏念降之

初裴行儉軍還突厥阿史那伏念自立爲可汗與阿
史德溫傳連兵爲寇詔復以行儉爲定襄道大總管
討之副總管曹懷舜引兵至長城北橫水遇伏念伏
念乘便風擊之大敗行儉軍於代州之陁口多縱反

間由是伏念溫傳浸相猜貳伏念留妻子輜重於金
牙山以輕騎襲曹懷舜行儉遣裨將程挺掩金牙
取之伏念還失其妻子輜重士卒多疾疫乃引兵北
走行儉又使務挺等追躡之伏念恃遠不設備軍到
狼狽遂執溫傳以降行儉盡平突厥餘黨以伏念溫
傳歸京師斬於都市初行儉許伏念以不死故降裴
炎疾行儉之功奏言伏念爲回紇所逼窮窘而降耳
遂誅之行儉嘆曰渾濬爭功古今所耻但恐殺降無
復來者因集覽渾濬爭功晉王渾王濬伐吳渾不進
稱疾不出集覽渾濬順流鼓棹受吳降後渾濬奏渾失二
人由是實實突厥北狄國名注見梁武帝大同十一
交惡實實突厥北狄國名注見梁武帝大同十一
耀四年長城注見太宗貞觀十五年代州注見秦王
政三年鴈門陁口陁山之口注見晉安帝義熙二年
多縱反間注見周赧王三十六年
程務挺洛州平恩人名振之子

冬十月朔日食質實

日食注見新莽天鳳元年

○徙故太子賢於巴

州質實

巴州注見梁武帝天監四年

壬午永淳元年春二月立皇孫重照爲皇太孫考異

立下皇字

美據前後封立書兵屬皆不加皇字

上欲令開府置僚屬問吏部郎中王方慶對曰未聞太子在東宮而更立太孫者也上曰自我作古可乎對曰三王不相襲禮何爲不可乃奏置集覽不相襲師傳等官既而上疑其非法竟不補授禮襲因也不相襲則有損益記樂記曰五帝殊時不相沿樂三王異世不相襲禮

書法

書立太孫再矣皆臨淮王戒齊昭業皆太子卒者也太子在而立太孫非矣綱目書立太

孫三惟此
爲譏辭

發明

高宗制於晨牝雖愛子且不能保又何有於
乃孫哉他時重照不得良死蓋原於此况既

有太子又立太孫固無謂
也書之于冊亦譏之爾

夏四月朔日食

○關中饑上幸東都考異

上幸當
作帝如

上以關中饑饉米斗三百將幸東都留太子監國使
劉仁軌薛元超輔之時出幸倉猝扈從之士有餓死
者上慮道路多草竊命監察御史魏元忠檢校元忠
閱赤縣獄得盜一人神采語言異於衆命釋桎梏襲
冠帶乘驛以從與共食宿託以詰集覽草竊書微子
盜比及東都士馬萬數不亡一錢
注草竊草野中竊盜也檢校謂檢校車駕前後赤縣
中國名曰赤縣神州張衡靈憲曰崑崙東有南赤縣

之州風雨有時寒暑有節苟非此土南則質實倉猝
多暑北則多寒東則多陰故聖人不處焉
貌桎梏刑具名注見
宋明帝泰始元年

聞喜憲公裴行儉卒考異

按崩葬例曰秦漢以後王侯

某注曰諡非生者之稱而通鑑以諡加於薨卒之上亦
非是則此當書聞喜公裴行儉卒注云諡曰憲今考太
宗賢臣如魏徵房玄齡李靖高士廉等並不書諡
考證○當去憲字分注諡曰憲
者之稱通鑑以諡加於薨卒之上者非是今當正
之故當於提要去諡號而分注於其下後皆倣此

行儉有知人之鑒初王勃與楊炯盧照鄰駱賓王皆
以文章有盛名李敬玄尤重之行儉曰士之致遠者
當先器識而後才藝勃等雖有文華而浮躁淺露豈
享爵祿之器邪楊子稍沈靜應至令長餘得令終幸

矣既而勃墮水烟終於盈川令照鄰惡疾赴水死賓
王反誅行儉爲將帥所引偏裨如程務挺張虔勗王
方翼劉敬同李多祚黑齒常之後多爲名將破阿史
那都支得馬腦盤廣二尺餘以示將士軍吏捧以升
階跌而碎之惶恐叩頭流血行儉笑曰爾非故爲何
至於是不復有追惜之色詔賜都支等資產金器三
千並分給親故集覽聞喜縣名在河東今解州聞喜
偏裨數日而盡集覽縣所引偏裨引薦也猶言汲引
裨音皮偏裨質實聞喜縣名注見晉孝武帝太元十
副貳之將質實一年王勃龍門人楊炯華陰人盧
照鄰范陽人駱賓王義烏人盈川縣名唐析龍游縣
置之尋省入西安縣故址在衢州府城南九十一里
李多祚其先靺鞨酋長貞
觀初入降中國賜姓李氏

書法

卒未有書諡者此其書諡何予行儉也曷爲
予之行儉嘗論昭儀之立爲禍始是以予之

故李勣行儉皆功臣也勣不具官而行儉書諡一
子一奪其示臣子之大節嚴矣入綱目以來大臣
卒諡自行儉始唐臣卒書爵諡者五行儉姚崇蘇
頌李光弼韋皋官諡者一楊綰官爵諡者五狄仁
傑宋璟李晟馬燧裴度號官爵諡者一郭子儀
官爵者二李泌渾瑊具官者二崔祐甫韋處厚

安西都護王方翼破西突厥平之

阿史那車簿圍弓月安西都護王方翼引軍救之破
虜衆於伊麗水三姓咽頽與車簿合兵拒方翼方翼
與戰於熱海分遣裨將襲破之擒其酋長三百人西
突厥遂平方翼徵入議事竟以廢后近屬不得用而
歸
集覽 安西都護杜甫詩安西都護胡青驄注云唐
安西郡東接焉耆去交河七百里南鄰吐蕃
西連疏勒去蔥嶺七百里北拒突厥貞觀初置安西
都護府於西州顯慶中移治龜茲城案舊史貞觀十

四年平高昌以其地置西州建安西都護府撫寧西域統龜茲于闐焉耆踈勒四國故謂之四鎮弓月西域國名也又突厥中有弓月城熱

正誤

三姓咽麴集覽無注○今

海在西域碎葉國東地寒不凍

按三姓咽麴鐵勒別部之號也地傍巖海道鑑前云九姓鉄勒一部爲一姓三姓咽麴又其小者咽音燕

麴音

質寶

熱海按一統志在亦力把力國東周迴數百里夷呼爲亦息渴兒酋長注見漢帝玄

更始二年

以郭待舉岑長倩郭正一魏玄同並中書門下同承受進止平章事

上欲用待舉等謂中書令崔知溫曰待舉等資任尚淺且令預聞政事未可與卿等同名自是外司四品

以下知政事者始以平章事爲名先是玄同爲吏部侍郎上言曰人君之體當委任而責成功所委者當則所用者自精矣周穆王命伯冏爲大僕正曰慎簡乃僚是使群司各自求其小者而天子命其大者也漢氏得人皆自州縣補署五府辟召然後升於天朝魏晉以來始專委選部夫以天下之大士人之衆而委之數人之手用刀筆以量才案簿書而察行借使平如權衡明如水鏡猶力有所極照有所窮況所委非人而有愚闇阿私之弊乎願畧依實實岑長倩鄧周漢之規以救晉魏之失疏奏不納實實州棘陽人文本從子郭正一定州鼓城人魏玄同定州人周穆王命伯冏爲太僕正曰慎簡乃僚周穆王名滿昭王之子伯冏其臣也事詳周書冏命篇

發明宰相之稱至是愈益舛矣書同承受進止殆與奔走小臣無異其何以經邦論道師長百

僚乎

五月洛水溢關中旱蝗

東都霖雨洛水溢溺民居千餘家關中先水後旱蝗繼以疾疫米斗四百兩京間死者相枕於路人相食

質實

洛水注見漢高后三年關中注見玄宗開元十一年景兆

秋七月作奉天宮

上既封泰山欲遍封五嶽作奉天宮於嵩山之南監祭御史裏行李善感諫曰陛下封泰山告太平致群瑞與三皇五帝比隆矣數年不稔饑殍相望四夷交侵兵車歲駕陛下宜恭默思道以禳災譴更廣營宮室勞役不休天下莫不失望上不納自褚遂良韓瑗之死中外以言爲諱幾二十年及善感始諫天下皆

喜謂之鳳鳴朝陽上還宦者沿江徙異竹所在縱暴
荊州長史蘇良嗣因之上疏切諫以爲致遠方異物
煩擾道路恐非聖人愛人之上疏切諫以爲致遠方異物
意上手詔慰諭令棄竹江中集覽監察御史裏行李
朝始有此名初馬周起布衣詔令於監察御史裏行
後專以裏行名官至武后時又置殿中裏行鳳鳴朝
陽詩卷阿篇鳳凰鳴于山脊之上者居高梧桐生矣于彼朝
陽箋云鳳凰鳴于山脊之上者居高梧桐生矣于彼朝
喻賢者待禮乃行翔而後集爾雅釋山曰實實五嶽
山東曰朝陽注云旦即見日也故曰朝陽實實張九
韶曰山之尊者曰嶽東嶽曰泰山在濟南府泰安州
北五里南嶽曰衡山在衡州府衡山縣西三十里西
嶽曰華山在西安府華陰縣南一十里北嶽曰恒山
在真定府曲陽縣西北一百四十里中嶽曰嵩山在
河南府登封縣北一十里奉天宮按一統志在河南
府登封縣嵩山南嵩山注見中宗嗣聖十二年恭默

思道商書說命篇文荊州注見漢獻帝建安十三年南郡蘇良嗣武功人世長之子

零陵王明自殺

初曹王明以太子賢黨降封零陵王黔州安置至是都督謝祐希天后意逼使自殺上深惜之黔府官屬皆坐免官祐後寢於平閣夜失其首及明子後爲天后所殺有司籍其家得祐首漆爲穢器題云謝祐乃知明子使刺質實零陵縣名注見漢平帝元始五年黔州注見高祖武德三年

召薛元超赴東都

太子頗事遊畋元超上疏規諫上聞之遣使者慰勞召赴東都

冬十月以劉景先同平章事○突厥骨篤祿寇并州薛

仁貴大破之

突厥餘黨阿史那骨篤祿阿史得元珍等招集亡散據黑沙城反寇并州代州都督薛仁貴將兵擊之虜問唐大將爲誰應之曰薛仁貴虜曰吾聞仁貴流象州死久矣何給我也仁貴免胄示之面虜相顧失色下馬列拜稍稍引去

質實

并州注見齊明帝建武三年代州注見秦王政三年

鴈門象州注見顯慶二年

以婁師德爲河源軍經畧副使

吐蕃寇河源師德將兵擊之於白水澗八戰八捷上以師德爲比部員外郎左驍騎郎將充使曰卿有文武材勿集覽比部比類脂反唐舊制天下金帛皆貯左藏比部覆其出入掌内外諸司公廨

及勾覆錢物後嘗改爲司計充使充經畧副使也

癸未 弘道元年春二月突厥寇定州圍單于都護府○李

義琰致仕

義琰改葬父母使其舅氏遷舊墓上聞之怒曰義琰倚勢陵其舅家不可復知政事義琰不自安以疾求去許之范氏曰高宗責義琰當矣然已以讒殺其舅何以責臣下之薄於母黨乎

書法

義琰求退以上怒也其得書致仕何義琰正人也故綱目特予之

崔知溫卒

書法

凡卒不具官貶也唐諸臣卒不具官者四十而高宗之世十有三詳太宗貞觀三年當時

之說
可知矣

發明

才品功業之高下亦足以見當時朝廷之盛

衰姑以唐言之高祖朝二人杜伏威書吳王竇威
不書爵太宗朝十有六人其不書爵者杜淹裴寂
封倫三人而已岑文本不書爵而書代者之爵至
高宗朝亦有十六人而書爵者五於五人之中其
三則前朝舊臣張行成尉遲敬德褚遂良是也若
高宗所用之人獨張文瓘裴行儉而已何太宗朝
書爵五如是之多而高宗朝如是之少耶夫武氏
制朝大臣其位凡陳力就列者初無功績之可紀
故曰其卒也皆削其官以貶之爾不然綱目
何獨厚於房杜王魏諸公而獨惡於姜恪閻立本
來恒崔知溫輩

哉
試思之

○夏四月綏州步落稽作亂討平之

步落稽白鐵余埋銅佛於地中久之草生其上給鄉人曰吾於此數見佛光集衆掘地果得之因曰得見聖佛者百疾皆愈遠近赴之數年歸信者衆遂謀作亂據城平縣稱皇帝置百官遣右武衛將軍程務挺與王方翼討之擒質實綏州注見周顯王三十五年鐵余餘黨悉平雕陰步落稽北狄種名注見梁武帝中大通三年城平縣莫詳處所或謂即昇平縣未知是否按昇平縣乃唐初所置屬坊州宋熙寧初省爲鎮故址在延安府宜君縣西北二十五里

五月突厥寇蔚州

突厥阿史那骨篤祿等寇蔚州殺刺史李思儉豐州都督崔知辯將兵邀之爲虜所擒朝議欲廢豐州司

馬唐休璟上言豐州阻河爲固居賊衝要自秦漢以來列爲郡縣上宜耕牧貢觀之末募人實之西北始安今廢之則河濱之地復爲賊有靈夏質實蔚州注等州人不安業非國家之利也乃止見楚義帝元年代國豐州注見漢宣帝甘露二年唐休璟始平人靈夏二州名靈注見太宗貞觀二十九年夏注見漢武帝元朔元年朔方

秋七月詔以來年有事於高山冬十一月詔罷之

詔罷封嵩山上疾甚故也上苦頭重不能視召侍醫秦鳴鶴診之請刺頭出血可愈天后不欲上疾愈怒曰此可斬也乃欲於天子頭刺血上曰但刺之未必不佳乃刺二穴上曰吾目似明矣后舉手加額曰天賜也自負銖百匹以賜鳴鶴

欽定四庫全書

御批資治通鑑綱目
卷四十一上

五

書法

書詔罷之何譏也何譏封泰山非也封嵩山益非也以疾甚罷之則亦不足美矣故三詔

封嵩岱三罷之皆不書龍朔二年儀鳳元年調露元年於末也特書譏之然則太宗之罷封禪書星字于太微此以疾甚罷則曷爲不書故十一月書罷之十二月書大喪則其故可知矣

詔太子監國以裴炎劉景先郭正一兼東宮平章事質

實

東宮注見宋文帝元嘉二十七年

書法

東宮有平章始見于此

○十二月帝崩太子即位尊天后爲皇太后考證

提要當作

太子哲即位

上疾甚夜召裴炎入受遺詔而崩遺詔太子即位軍國大事有不決者兼取天后進止中宗即位尊天后爲皇太后政事咸取決焉

書法

賀善贊曰高宗在位三十四年綱目書濮王開府書罪獻鷹犬皆予之也自書武氏爲昭

儀而後其可予者惟幸涼州不果行一事耳若其瀆亂人倫委政房閹幾貽宗社之禍可勝罪哉

以劉仁軌爲左僕射裴炎爲中書令劉景先爲侍中

故事宰相於門下省議事謂之政事堂及裴炎遷中書令始遷政事堂於中書省

郭正一罷

御批資治通鑑綱目卷四十一上